



Festivals da cultura e museums sut il label «grischunCULTURA»

■ (cp) Dudesch festivals da cultura e museums excellents dal Grischun sa preschentan en l'avegnir comunablamain sut il label «grischunCULTURA».

Tras quai vulan els d'ina vart render attent – tant en Svizra tudestga sco er en ils pajais vischins – in public che s'interessa per la cultura als festivals ed als museums ch'èn mo pauc enconuschents sur las regiuns or, e da l'autra vart guadagnar giasts per il Grischun.

GrischunCULTURA sa preschenta entaifer la marca «grischun» e la cumplettescha per in sector impurtant. I vegn intermediada la missiva ch'il Grischun dispona – ultra d'ina cuntrada alpina unica e d'ina infrastruttura turistica eccellente – er d'ina purschida culturala attractiva cun bleras fassettas. Uschia duai il maletg dal Grischun vegnir rinforzà a lunga vista. La tscherna da las instituziuns partenarias è vegnida reducida sapientivamain, cunquai ch'i vegnan en dumonda

mo instituziuns culturalas cun ina purschida da fitg buna qualitat che han – saja quai grazia al tema, ad impuls innovativs, a nischas ch'èn anc pauc occupadas u a lieus da preschentaziun attractivs – qualitads da vendita exclusiva. Plinavant sa tracti da quels festivals e da quels museums che han il potenzial d'attracziun surregional il pli grond e che han tras quai ina relevanza per la marca.

Las represchentantas ed ils represchentants da las dudesch instituziuns – nov festivals e trais museums resp. chasas d'exposiziun – èn sa scuntrads dacurt a Grisch cun represchentantas e cun represchentants da l'uffizi da cultura e da la marca «grischun» per barattar opiniuns e per discutir las mesiras da comunicaziun che vegnan prendidas en mira. L'uniun lucca stat sut il motto «comunablamain essan nus pli fermes». Igl è numnadamain difficil per las instituziuns partenarias

suletas da survegnir ina preschientscha en las medias u er tar il public en mira ordaifer il chantun Grischun. Tar las instituziuns partenarias da grischunCULTURA tutgan ils festivals da musica «Flims Klang» e «Davos Festival», il festival cultural Origen, il «Ope(r)n Air» ad Arosa, il festival da musica «Snow and Symphony», l'opera dal chastè da Haldenstein sco er il festival «Uncool» a Puschlav. Participads èn plinavant il teater da Cuira cun ses festival «Churer Herbst», il festival d'umor ad Arosa, il museum d'art dal Grischun a Cuira, il museum da Segantini a San Murezzan sco er la «chasa melna» a Flem.

Sco emprim med da comunicaziun vegn preparada ina brochura che purtretescha ils dudesch festivals e museums, che porscha dentant er spazi ad autras occurrenzas culturalas sco infurmaziuns davart in'architettura nova ed eccellente en il Grischun u sco la plattform d'internet